

小倉山房詩文集

冊八

小倉山房詩集卷三十二 丁未至己酉庚戌

錢唐袁枚子才

春日偶吟

萬里遊歸說武夷江山成就六年詩而今自笑無遊處閒步柴門數竹枝
三兩人家設綺筵招儂同醉落花天緣何不掃陳蕃榻生性吳蠶怕獨眠
春暮陰生滿苑苔曉風吹急小窗開濕烟繞瓦雨剛去寒翠撲人山要來
草木爭春各不同碧桃文杏兩般紅竹因葉密聲招雨蘭爲香多性愛風
堅冰乍散水生烟小草知春比樹先荷葉自舒蕉自捲性情生就總由天
攏袖觀棋有所思分明楚漢兩軍持非常懽喜非常惱不著棋人總不知
明窗淨几太嫌多無計分身喚奈何只好安排閒筆硯聽憑老子自婆娑
不獨憂除樂也除衰年事事付空虛聽來忽有心開處鶯囀高枝兒讀書
支頤閒坐可憐宵何處梅檀遠遠飄鼻觀氤氲心忽靜方知香要別人燒
白髮蕭蕭霜滿肩送春未免意留連牡丹看到三更盡半爲花憐半自憐

浮生何必苦安排隨意閒行心自開失物每從無意得懷人恰好有書來
幾個傳人占古今浮雲何處問升沉杜家兄弟多榮貴官小民高是阿欽
逝者如斯喚奈何桓伊何必定聞歌數來傍晚曉星何少過去飛鴻迹太多

戒詩

戒詩如戒酒屢戒復屢開又如茹素人欲炙涎流腮蠶絲一以抽金刀不能裁
始知性所暱一旦難相乖江淹才已盡白傅興方來詩中有馮婦叟其自號哉
笋方作竹多有萎者名之曰竹殤而弔以詩

羣竹方凌雲其中數枝傷頗似楊家烏無端忽暴亡人世有嬰鬼園林有竹殤
壽者是何幸夭者是何殃與其生不育何如勿生良栽培傾覆意何處詢蒼蒼

嬰鬼見
易林

裁袍

閒居無所事緩步自逍遙底事裁袍短平生怕繫腰

夕陽

水竹光雖滿桑榆景已斜夕陽不肯去想是戀桃花

灌花

久旱天無雨呼童汲井陰雖然杯水力也表惜花心

嘲畏熱者

君莫畏炎風炎風期漸滿不及待秋涼除非君壽短

冰

一片輕冰到蒼蠅盡轉身許儂登席上能救熱中人

六言四首

酬應則吾老矣嬉遊則吾尙少老少憑儂自爲不免旁人一笑
夏五日長如歲況兼無事閒居傍晚回思早起宛然三代唐虞
一切總求徹底便生無數疑端不若半明半昧人間萬事相安
宣尼待子如客想見胸襟灑然不是趨庭獨立聞詩聞禮何年

題駱秀才乞食歌姬院圖

乞食平康一笑生衲衣手板拜卿卿此中定有憐才者較勝王侯門下行
冷炙殘羹味若何妝樓行慣有誰呵只愁一椀桃花粥中有佳人紅淚多

造生壙

莫笑先賢造化臺何人不向此中來譬如華屋身將住可不梅花手自栽三板
暫教風月閑一門且待子孫開香山墳畔泥濘酒先與羣公醉幾回

重赴泮宮詩

有序

余以丁未年入泮今又丁未矣仿重赴鹿鳴故事作歌

憶昔袁絲年十二簪筆學趨童子試門前已送好音來階下還騎竹馬戲其時
學使王交河面取經書諷倍多李泌圍棋雖未賦何郎雅樂已能歌一番正試
兩番覆道路爭觀人簇簇喧傳泮水出芹芽豔說童蒙充棧樸巍巍雙闕聖門
開將命疑從闕黨來並行敢逐先生後

受業師史玉瓚先生同入學

倚寵仍眠大母懷諸姑

伯姊欣欣到替我梳頭向我笑看著青衿試短長勸拖錦帶休顛倒恭逢先

帝御明堂服采新頒詔數行已入黉宮換短褐更教雀弁耀銀光

雍正四年
奉旨各

官帽上加珊瑚水
精諸頂生監用銀

東家管兒苦相羨西家奪壻招相見童子翻增滿面羞佯採
花枝弄筆硯此事於今六十年茫茫滄海過雲烟阿婆喜說新婚日羸馬驚聞
上苑鞭膠庠舊伴今誰在孤花碩果真無奈寄語新知衆秀才老身願作同年
待特設隨園酒一卮強顏首唱泮宮詩從來白髮傷心處最是青年得意時

哭慶兩峯觀察

有序

丁酉七月兩峯觀察赴任湖北過隨園留別云交情共指青山在別意
相看白髮多餘讀而傷之旋聞以孤身出鎮塞外非其任也不逾年病
還京師又一年卒余賦詩哭之卽用其第四韻爲起句

別意相看白髮多今朝永訣奈君何平原自是佳公子劉秩原非曳落河翠竹
凌霄難鬱抑良金受鍛易消磨可憐絕代風騷手空把穠華委逝波

假山成題曰巫山十二峯自嘲一首

看徧真山造假山公然十二好烟鬟如何老去風懷寄還在高唐雲雨間

書所見

人老惜分陰一日如一歲但問一歲中幾度得心醉人生行樂耳所樂亦分類
但須及時行各人自領會我生嗜好多老至亦漸忘惟有兩三事依舊懽如常
攤書傍水竹隨手摩挲主璋名山扶一杖好花進一觴談文述甘苦說鬼恣荒唐
七十苟從心踰矩亦何妨

形神偶相交忽然竟有我及其既散時空雲無一朵來非我有心去非我有意
物物有一生人人有一世所以達觀人遊行在空際來共雲卷舒去隨風搖曳
不談佛與仙恐受彼拘繫既已說長生何以悠然逝既已悟無生何必又詞費

水精屏歌

有序

香亭弟假水精屏一架爲老人消暑喜賦一詩寄之

六月溽暑天炎烝阿連貽我千水精爲盤爲盞爲盆罍高低錯落架作屏使我
老眼如再明急陳座右當瓊英蒼蠅遠望雙目瞠側翅欲上飛又停兒童聚觀
喜且驚欲摸怯寒手戰兢我聞琉璃世界夸晶瑩佛家妄語未可聽又聞冰山
雖高容易傾誰能倚恃爲長城何如此寶羅階庭如白龍皮挂迎涼廳頃刻習

習秋風生峨眉之雪萬古凝藍橋之霜飛滿楹陽烏欲鬪氣不勝銀蟾下矚疑
繁星三更尙作長明燈客來相對心怵怵人人都化聖之清我覺下筆尤空靈
頭銜豈止一條冰

對書嘆

我年十二三愛書如愛命每過書肆中兩脚先立定苦無買書錢夢中猶買歸
至今所摘記多半兒時爲宦成恣所欲廣購書盈屋老矣夜猶看例乘一條燭
兩兒似我年見書殊漠然此事非庭訓前生須夙緣名將不兩代文人無世家
可憐袁伯業對書空嘆嗟

荆楚歲時記七月八日雨名洒淚雨蓋調牛女也戲和香亭五絕句
纔過七夕雨如絲說是雙星別泪垂怪底淒淒聲不響想應瞞著怕天知
烏鵲橋空行路難銀河風急起波瀾織來雲錦三千疋儘拭啼痕恐未乾
惹他兒女盡消魂都想乘槎一問津侵曉夫妻兩行淚不知先落是何人
雨散雲飛夢易乖人間多少別離哀倘教都學黃姑樣海水還愁天上來

羨殺匏瓜樂未央生來無匹影幢幢有情便有年年恨就作天星莫作雙

極淨之室日光照處濛濛然碎塵忙擾感而有作

漫空野馬鬧紛紛牕漏朝陽看便真我覺伯夷清不必人生一世在紅塵

爲花樹撩蛛絲有感於運氣之說

草木都須氣運扶旁觀只少靜工夫灰絲蛛網欺蒙處病樹常多好樹無

得玉尺詩

有序

余失去案上玉尺尙不知也忽陶怡雲持來相示方知被客攫去轉售

陶家怡雲素識此物卽以歸趙余嘆造物之巧感友誼之重不能無詩
一條玉尺廿年持忽起波瀾匪所思失去未曾三日別得來如有六丁追量才
事業慚無分返璧心情喜可知不是曹公風義重文姬歸漢是何時

附陶怡雲和作

偶逢寶器落風塵知是隨園席上珍璧返相如原有數珠還合浦豈無因物
多著意求難得巧到無心樂更真容易量才持玉尺若除公外竟誰人

九月五日招春圃香亭觀芙蓉兩弟俱以高官解組乍見烟雲花草意倍欣然各以詩見寄余賦七絕句答之

秋雲遮日樹遮風同看芙蓉上短篷
難免芙蓉花一笑弟兄三個白頭翁
天邊消息近重陽花正迎霜未拒霜
十斛胭脂千匹錦秋娘臨水盡紅妝
消遣閒情弄釣槎招呼網戶挺魚叉
登時潑刺銀刀響撲斷青蘆幾節花
細雨濛濛濕小舟貪看花色尙回頭
可知客把芙蓉戀不是芙蓉把客留

兩弟與健

葦甥對弈

看罷芙蓉坐小齋自家棠棣又花開
家常雞黍燈前供也算紅雲宴一回
送別殷勤語阿連最難平地作神仙
希文經略西邊日再憶圭峯定惘然

題漪香夫人采芝圖

附來書

月尊周氏端肅問隨園先生萬安尊讀先生之書十有餘年矣又時時聞中丞道先生言論丰采口無虛日海內老師宿儒奇才異能之士至

中丞左右者莫不盛稱先生之才其在先生同輩諸公亦極口贊揚於無既尊覺耳目所及海內名流無若先生者矣尊凡陋之質叨侍上公巾拂身世無復所憾惟幼耽翰墨妄生好名之心不肯泐泐終世乃生少聰明兼多疾病蛩寒蟬寂終不成聲於今悔嘆廢棄始信天限之弗可渝奪又無絕技殊能高于輩行可託傳於名人著述以垂永久他日晏然隨化憊然神傷而已前在中州取義山十年長夢采華芝句作采芝圖畫工既劣更不能擇手題詠誠無可觀今特寄呈求賜宏製斯人斯圖雖不足當大方題品誠欲藉傳姓氏於集中則生平之憾始釋然也小兒嵩珠年甫三歲近已種花以爲遲郎福命宜兄弟所致先生與中丞誼重交深聞之必喜用敢附及冒昧干請臨啓惕然附呈微物導意

空山雪花飛滿地雪中一葉仙書至道有真靈位業圖教儂小綴蠶眠字開圖

驚見魏夫人蝶繞雲鬢花繞身手采靈芝覓仙種果然天上降麒麟

謂公子
嵩珠欣

傳嫁得尙書壻明珠九曲穿無數朝衣熏罷便題箋寶髻梳成還作賦尙書愛

士古人同海內名流走下風誰知日具千人饌都是周家絡秀功

尙書署中客無不頌夫人

賢

山人欲乞簪花格特寄隨園圖一冊上元靈笈未曾披玉女真容已先得以

隨園雅集圖索夫人題而夫人之圖先至

急爇旃檀十斛香拜乾阿嬾喚蓉祥

阿遲寄夫人膝下取名蓉祥

偷描

一幅天人貌供向慈雲大士旁

答似村以詩見寄

屢接吟箋喜不勝珍珠圓轉水雲清心從天外來千里人在詩中過一生字寫

燈前應落月信傳江上正啼鶯宛然不繫舟邊立當日郎君笑語聲

海內何人不贊嘆雪中南北兩袁安漁歌鎮日憑闌聽棋局千盤袖手看我已

白頭遊五嶽君方紅日臥三竿巢由人物從來少生長侯門隱更難

題成嘯崖夢遊清涼山圖

人生惟有夢最好千山萬山許搜討縱有蕭何法律叔孫儀難把夢魂管得了

金陵諸山清涼高嘯崖公子人中豪忽然夢到清涼頂是誰相約誰相招露戎

戎兮鋪草亭高高兮凌煙松蒼蒼而蔽日江遠遠以浮天待天雞之喚醒仍枕
席之依然清晨大笑告吳友吳也驚疑但掩口道是昨宵我亦夢來遊底事路
上雲遮不拱手毋多談且載酒果肯尋夢夢還有呼車同向清涼走指看今日
諸烟巒還似昨宵光景否雪泥鴻爪怕消亡請付丹青傳不朽我聞古莽之國
以夢爲是覺爲非列子此語不我欺嘯崖此夢亦如之又聞天姥之峯李白遊
夢中詩句傳千秋得毋嘯崖前生卽是李白不我家清涼山脚下山神昨日來
相訝說丁未孟秋詩人兩個都過隨園門如何不速先生駕

題吳秀才醉竹圖

竹醉露人醉酒詩人生在竹醉日似與此君相識久科頭獨坐萬竿中奴捧酒
壺不放手把竹數一枝取酒斟一斗澆竹便爲竹葉春自飲便爲竹林友竹醉
人扶竹不知人醉竹扶人知否是人是竹渾難分一醉之外別無有此之謂與
天爲徒與物化君不見藕中之仙橘中叟

插芍藥數枝詩示香亭

數枝紅藥膽瓶斜。頃刻蕭齋變館娃。心醉異香如中酒。眼驚神女轉忘花。翻階
尚記中書省。多寵還輸小宋家。我亦將離人世客。賴卿相伴送年華。

香亭插芍藥三十六瓶喜以詩賀

阿連春想一肩擔。羅致名花露正酣。三十六瓶香欲湧。百千萬朵色相參。藏嬌
不惹諸姬妬。絕色何妨儘力貪。半世黃金擲虛牝。者番擲得最心甘。

左足病瘡作

雙趺虛左便無聊。欲走堂前怯路遙。甘把足拳師野鷺。只愁人老變山魈。千峯
踏月心還在。七步成章興已消。何日浮圖重起。壁白雲紅葉一肩挑。

戲答香亭弟問足疾

知君手足最情多。問我蹣跚足若何。我學禽言吟向汝。道行不得也哥哥。

松頂立一白鷺賦詩贈之

飄然白鷺驚風中。不知冷有意示人清。獨立青松頂。汝身閒若斯。汝立高若許。
知否紗窗中。有人羨殺汝。

哭李猗南

諱開第

君官石城北我家小倉山相離未三里車騎常往還君年逾花甲鬚鬢未曾斑
疑有仙家術遊戲在人間春秋風月佳彼此具盤餐看花至日晨說鬼到更闌
吏隱雖分途言笑常同懽不圖半月別已作千年看我在吳得信驚駭摧心肝
願喚黃仙鶴騎之叩天關但許贖此人百身非所難

我昔遊珠江迢迢五千里歸來老妻言李君真俠士袖攜一笏金來賜雙稚子
教以勤讀書助其買果餌我聞世俗交分手便忘矣君胡獨不然體卹同毛裏
未受主人託能使舉家喜我忝長十年而乃後君死有如報恩雀含環向誰視
感君不能忘思君不能止惟有淚兩行彈入湘江水

贈蘇州奇麗川方伯

皖江官舍接風標桂嶺重蒙折簡招衣上酒痕香未散燈前花影夢難消寒梅
老更思春切倦鳥飛偏怕路遙恰好天心稱人意一輪卿月照楓橋

謝方伯贈春衣

清遊已屆嫩涼天未帶春衣意惘然偶漏一言緣酒後竟蒙雙襲賜尊前輕華
似挹浮邱袖長短剛宜子貢肩惹得山人忘歸去披來又泛五湖烟

留別蘇州故人兼寄汪硯香太守

兒時遊已愛蘇州七十年來幾度遊鄧尉梅花開似昔金閨舊雨冷於秋追尋
往事雲同散照到斜陽水亦愁身愈頽唐心愈健寒山兩上未甘休
紛紛人看魯靈光談到風騷老亦忘烟墨亂揮千幅紙笙歌環擁一頭霜敢云
名重蕭夫子可奈情深白侍郎多少吳娘乞詩贈登車猶自挽衣裳

五茸三泖久聞名難得汪倫打槳迎隱士遺書尋笠澤先生新饌試蓴羹花光
引我村村到天意憐人日日晴十里橫雲山下路風廊水榭記分明

出門兩月賦歸遲惆悵郵亭酒一卮住久易生臨去恨年高難說再來期節過
寒食春將盡人到忘家樂可知寄語諸公各珍重明年此日最相思

喜晤龔華塍明府

作宰湖湘四十年歸來小住板橋邊原思底事貧如此龔遂須知政可傳久別

師生如隔世重逢雞犬欲疑仙匆匆又向長安去此會今生豈偶然

人間萬事等搏沙說到金陵更可嗟白髮尙存前令尹烏衣不見舊人家鉛松

作貢途雖遠

時運鉛京師

印綬還鄉氣尙華莫忘兒時讀書處參天一樹海棠花

君家

海棠爲金
陵第一

和香亭別芍藥詩

紅藥欄空意惘然白頭人坐散花天枕邊已醒黃梁夢座上還飄紫玉烟小剩
半枝如戀主多看一刻當留仙明春約汝開宜早我是衰年弟少年

秋暑

熱客不知老天公忘作秋何圖霜露降尙見火雲流桂有爲薪嘆人難秉燭遊
從今纔省悟紈扇莫輕收

孫子瀟抱西河之戚繪佳兒重生圖索詩

望子臺空最惱公孫郎何處哭秋風畫師真有通神筆一個童烏活卷中

楊柳依依水竹居佳兒獨立意何如披圖乍見聰明相還想詢他讀甚書